

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Organismo Autonomoak

### ARABAKO FORU SUHILTZAILEKAK BOMBEROS FORALES DE ÁLAVA

**Lehendakaritzaren 4/2017 Ebazpena, martxoaren 8koa, administrazio bereziaren eskalan, su itzaltze eta salbamendu zerbitzuan, azpieskala operatiboan, suhiltzaile kategorian, karrerako funtzionario sartzeko hautaprobaren oinarriak onartzen dituena**

Diputatuen Kontseiluaren 859/2016 Erabakiak, abenduaren 20koak, Arabako Foru Suhiltzaileak Erakunde Autonomoaren 2016rako Lan Eskaintza Publikoa onartu zuen, eta Diputatuen Kontseiluaren 62/2017 Erabakiak, otsailaren 14koak, Arabako Foru Suhiltzaileak Erakunde Autonomoaren 2017rako Lan Eskaintza Publikoa, dagozkion hautaketa-prozesuen bidez bete beharreko lanpostuena.

Beraz, hautaketa-prozesu horren oinarriak onetsi dira, eta deialdi bakar batean bildu dira eskainitako lanpostu huts guztiak.

Uztailaren 13ko 8/2016 Foru Arauaren bidez onartutako Arabako Foru Suhiltzaileak Erakunde Autonomoaren estatutuen 15. artikuluekin bat etorritik, eta Administrazio Kontseiluari entzunda, honako hau

#### EBAZTEN DUT

Lehena. Arabako Foru Suhiltzaileak Erakunde Autonomoaren administrazio bereziaren eskalan, su itzaltze eta salbamendu zerbitzuan, azpieskala operatiboan, suhiltzaile kategorian, karrerako funtzionario sartzeko hautaprobaren oinarriak onartzea, eranskin gisa ageri direnak.

Bigarrena. Erabaki hau eta eranskin gisa ageri diren oinarriak ALHAOn argitaratzea.

Hirugarrena. Ebazpen honek administrazio-bidea agortzen du, eta beronen aurka administrazioarekiko auzi-errekurtsoa jarri ahal izango da, hau argitaratzen den egunaren biharamunean hasita bi hilabeteko epean, Administrazio Auzietarako Gasteizko epaitegietan, edo, aukeran, berraztertze errekurtsoa, ebazpen hau onetsi duen organo berari zuzenduta, hilabeteko epean, Administrazioarekiko Auzietarako Jurisdikzioa arautzen duen uztailaren 13ko 29/1998 Legearen 46.1 artikuluan eta Herri Administrazioen Administrazio Prozedura Erkidearen urriaren 1eko 39/2015 Legearen 122 artikuluan aurreikusitakoarekin bat etorritik.

Vitoria-Gasteizen, 2017ko martxoaren 8an

*Arabako Foru Suhiltzaileak Erakunde Autonomoaren presidentea*  
**MARÍA PILAR GARCÍA DE SALAZAR OLANO**

**ERANSKINA**

Arabako Foru Suhiltzaileak Erakunde Autonomoaren administrazio bereziaren eskalan, su itzaltze eta salbamendu zerbitzuan, azpieskala operatiboan, suhiltzaile kategorian, karrerako funtzionario sartzeko hautaprobeen oinarriak

**1. DEIALDIAREN XEDEA.**

1.1. Oinarri hauen xedea da Arabako Foru Suhiltzaileak Erakunde Autonomoaren (aurrerantzean, Erakunde Autonomia) su itzaltze eta salbamendu zerbitzuan, azpieskala operatiboan, suhiltzaile kategorian, karrerako funtzionario sartzeko hautaprobeen arauak ezartzea.

1.2. Hautapropa hauen xedea da hutsik dauden laurogeita hamalau (94) suhiltzaile lanpostu betetzea (sailkapeneko C-2 taldea).

Deialdi honetako lanpostu hutsekin lotutako lanpostuen banaketa:

KODEA	LANPOSTUA	DESTINOA	HIZKUNTZ ESKAKIZUNA	DERRIGORTASUNA	LANPOSTU KOPURUA
P1	Suhiltzaile-gidaria	Iruña Oka	II	EZ	20
P2	Suhiltzaile-gidaria	Iruña Oka	II	BAI	12
P3	Suhiltzaile-gidaria	Laudio	II	EZ	4
P4	Suhiltzaile-gidaria	Laudio	II	BAI	4
P5	Suhiltzaile-gidaria	Espejo	II	EZ	11
P6	Suhiltzaile-gidaria	Espejo	II	BAI	7
P7	Suhiltzaile-gidaria	Laguardia	II	EZ	11
P8	Suhiltzaile-gidaria	Laguardia	II	BAI	7
P9	Suhiltzaile-gidaria	Kanpezu	II	EZ	5
P10	Suhiltzaile-gidaria	Kanpezu	II	BAI	4
P11	Suhiltzaile-gidaria	Agurain	II	EZ	5
P12	Suhiltzaile-gidaria	Agurain	II	BAI	4

1.3. Ezingo dira deialdi honetako lanpostuei dagozkienak baino pertsona gehiago izendatu karrerako funtzionario.

1.4. Derrigorrezko hizkuntza eskakizun bat duten lanpostuetarako izangaiak ez dira behin betiko hautatuko ez badute egiaztatzen deialdi honen 9. oinarrian aurreikusitako hizkuntza eskakizuna.

**2. IZANGAIEK BETE BEHARREKO BALDINTZAK EDO ESKAKIZUNAK.**

2.1. Onartuak izateko eta hautaprobetan parte hartzeko, ondorengo eskakizunak bete behar dituzte izangaiek:

a) Europar Batasuneko estaturen bateko naziotasuna izatea, edo Europar Batasunak izenpetu eta Espainiako estatuak berretsitako nazioarteko Itunen aplikazioaren indarrez, langileen zirkulazio askea aplikagarri zaion estatu batekoa. Halaber, parte har dezakete Europar Batasuneko kide diren estatueta naziotasuna duten nazionalen ezkontideek, betiere, ez badaude auzi-bidez bereizita edo bananduta, bai eta euren eta ezkontidearen ondorengoek ere, betiere, bikoteki-deak auzi-bidez bananduta ez badaude, ondorengoak 21 urtez beherakoak zein adin horretatik gorako menpekoak ez badira.

b) Hamasei urte (16) beteta izatea eta derrigorrezko erretiroa hartzeko adinera iritsi gabea izatea.

c) Baztertua ez izana diziplina-espeditente bidez inolako administrazio publiko eta Autonomia Erkidegoetako estatutu- edota konstituzio-organoen zerbitzutik, ezta auzitegi ebazpen edo epai bidez erabateko edo berariazko gaitasun gabetuta egotea ere kargu publiko edo enpleguetarako, funtzionarioen kidego edo eskalatan sartzeko. Beste Estatu batekoa izanez gero, ez izatea diziplina-zehapenen menpeko edo, berari dagokion Estatuan, enplegu publikorako sarbidea ukatzen dion zigor-kondenarik ez izatea.

d) Derrigorrezko Bigarren Hezkuntza, Eskola Graduatua, Lehen Mailako Lanbide Heziketa edo indarrean dagoen legediak baliokidetzat jotako beste edozein titulu izatea.

Atzerriko titulazioen kasuan, horien homologazioa egiaztatzen duen kredentziala eduki beharko da.

e) Gidabaimena. Izangaiek C+E gidabaimena edukitzea.

f) Suhiltzaile lanak betetzeko gaitasun funtzionala edukitzea, oinarri hauen I. eranskinean jasotako salbuespen-taularen arabera. Gaitasun funtzionala praktiketako funtzionario izendatu baino lehen egingo diren proba kliniko eta analitikoaren bidez egiaztatuko da.

2.2. Arestiko eskakizun guztiak eskabideak aurkezteko epea amaitzen den egunerako eduki beharko dira, eta hautaprobek iraun bitartean mantendu, karrerako funtzionario lanpostuan hasi arte.

### 3. ESKAEREN AURKEZPENEA.

3.1. Hautaprobetan parte hartu nahi duten pertsonak 2017ko apirilaren 25eko 24:00ak arte aurkeztu ahalgo dituzte euren eskaerak, ordutegi ofizialaren arabera.

3.2. Eskaerak eredu ofizial eta normalizatuan aurkeztuko dira, Arkautiko Polizia eta Larrialdietako Euskal Akademiaren [www.arkauteakademia.eus](http://www.arkauteakademia.eus) web orrian.

3.3. Onartuak izateko eta hautaprobetan parte hartzeko, izangaiek ondorengo hauek adierazi beharko dituzte:

a) Eskakizunak aurkezteko epearen amaierarako eskakizun guztiak eta bakoitza betetzen dituztela adierazi beharko dute.

b) Eskaera-orriaren atal guztiak bete beharko dituzte. Horretarako, izangaiek ondorengo hauek adieraziko dituzte dagozkien ataletan:

1. Eskatutako datu pertsonalak.

2. Oposizio faseko ariketak edo probak zein hizkuntza ofizialetan, euskaraz edo gaztelaniaz, egin nahi dituzten.

3. Egiaztatutako hizkuntza eskakizunak.

4. Hizkuntza eskakizunak egiaztatzeko egin nahi dituzten probak.

5. Oposizio aldiko hirugarren ariketa egiteko aukera.

6. Lehiaketa fasean alegatutako merezimenduak. Eskaera aurkezteko egunean merezimendu gisa konputagarriak diren zerbitzuak betetzen ari diren izangaiek eskaerak aurkezteko azken eguna (2017ko apirilaren 25a) ezarri behar dute zerbitzu horien amaiera egun gisa.

7. Aurreko atalean adierazitako deialdi honetako lanpostu hutsekin lotutako lanpostuak esleitzeko lehenespena. Lehenespen-ordena ezingo da aldatu eskaerak aurkezteko epea amaitu ondoren.

3.4. Datu pertsonalak babesteko araudia betetzeko, hautaketa-prozesua kudeatzeko jasotako datuak Erakunde Autonomoak kudeatutako "2016 eta 2017ko Enplegu Eskaintza Publikoa" ize-neko fitxategi batean sartuko dira, eta datu horietan sartzeko, datuok zuzentzeko, ezeztatzeko eta horiei aurka egiteko eskubideak egikaritu ahalgo dira, Vitoria-Gasteizko Probintzia plazako 5. zenbakiko 2. solairuan.

Izangaiek berariaz onartzen dute, kontrakorik adierazi ezean, euren datu pertsonalak oinarri hauetan adierazitako helburuetarako eta bertan adierazitako moduan erabiltzea.

#### 4. IZANGAIAK ONARTZEA.

4.1. Behin eskaerak aurkezteko epea amaituta, Erakunde Autonomoko Administrazio Batzordeko presidentek (aurrerantzean, Administrazio Batzordeko presidentea) agindu bat emango du, zeinaren bidez onartuko baitira onartuen eta baztertuen behin-behineko zerrendak, eta ALHAOn eta Polizia eta Larrialdietako Euskal Akademiaren [www.arkauteakademia.eus](http://www.arkauteakademia.eus) web orrian argitaratuko dira.

Zerrenda osoa argitaratuko da web orri horretan, baztertuen kasuan horretarako arrazoia-ekin, eta ariketak Euskal Autonomia Erkidegoko zein hizkuntza ofizialetan egin nahi diren, eta hizkuntza eskakizunak egiaztatzeko proba eta oposizioko hirugarren ariketa egiteko hautu egin den ere agertuko dira.

4.2. Baztertuek edo argitaratutako datuetan okerren bat hautematen dutenek hamar egun baliodun izango dituzte, zerrendak argitaratzen direnetik aurrera, erreklamazioak aurkezteko eta, hala badagokio, egin ahal izan diren okerrak zuzentzeko eskatzeko.

Erreklamazioak egiteko epea amaitu ostean, Administrazio Batzordeko presidentek beste foru agindu bat emango du, zeinaren bidez onartuko baitira onartuen eta baztertuen behin betiko zerrendak, behin-behineko zerrendetan jasotako datu berberekin, eta Polizia eta Larrialdietako Euskal Akademiaren [www.arkauteakademia.eus](http://www.arkauteakademia.eus) web orrian argitaratuko dira.

Oposizio faseko probak egiten diren egunean oraindik ebatzi gabe badaude behin betiko zerrendak onartzeko foru aginduan prozesutik baztertuta agertu ziren izangaiek aurkeztutako errekurtsioak, eragindako pertsonen proba horiek egin ahal izango dituzte, baina ez dute baliorik izango errekurtsio horiek ezesten badira.

Edonola ere, interesdunek hautaprobetarako eskatzen diren betekizunak betetzen dituztela aitortzeko baldintza da haiek egiaztatzea, oinarri hauen arabera aurkeztu behar diren agiriak aurkeztuta; agirien bidez egiaztatu ezean, interesdunak galdu egingo ditu hautaprobaren parte hartzeak ekar ditzakeen eskubide guztiak.

#### 5. EPAIMAHAI KALIFIKATZAILEA.

5.1. Administrazio Batzordeko presidentek izendatuko ditu hautaprobak kalifikatuko dituen epaimahaiko kideak. Izendapen edo hautaketa politikoko langileek, behin-behineko funtzionarioek eta aldi baterako langileek ezin izango dute parte hartu hautaketa organoetan.

Izendapenak ALHAOn eta Polizia eta Larrialdietako Euskal Akademiaren [www.arkauteakademia.eus](http://www.arkauteakademia.eus) web orrian argitaratuko dira, onartutako eta baztertutako pertsonen behin betiko zerrendekin batera.

5.2. Epaimahaiaren osaera orekatua izango da, sexu bakoitzak gutxienez ehuneko 40ko ordezkaritza izanik, nola eta ez den behar bezala justifikatzen hala ez dagokiola.

Epaimahaia osatzean errespetatu egingo da espezialitatearen printzipioa, zeinaren arabera epaimahai bakoitzeko kideen erdiek, gutxienez, sartzeko eskatzen den jakintza arlo bereko titulu bat izan behar baitute, eta guztiek ikasketa maila bereko edo goragoko titulu bat.

5.3. Epaimahaiak lehendakari bat eta lau kide izango ditu, bakoitza bere ordezkoarekin. Kideetako bat idazkari izendatuko da.

Epaimahaiko kide izatea norberaren izenean izango da beti, eta inola ere ez beste inoren ordezkaritza gisa edo beste inoren kontura.

5.4. Herri Arduralaritzaren Euskal Erakundearen ordezkaritza bat epaimahai kalifikatzaileko kide izango da, baina soilik eskatzen diren hizkuntza eskakizunak egiaztatzeko probak egin eta ebaluatzeko.

5.5. Hala komeni dela baderitzo, aholkulari espezialisten laguntza edukiko du Epaimahaiak. Aholkulari horiek, organo kalifikatzaileari laguntzean, beren espezialitate teknikoetara muga-tuko dira.

5.6. Epaimahaikideek ez dute egiteko horretan jardungo, baldin eta urriaren 1eko 40/2015 Legeak, Sektore Publikoaren Araubide Juridikoarenak, 23. artikuluan aipatutako egoeraren batean badaude, eta horren berri eman beharko diote Administrazio Batzordeko presidenteari.

Era berean, aurreko paragrafoan adierazitako egoeraren bat gertatzen bada, izangaiak epaimahaikideak errefusatu ahal izango dituzte, edozein unetan, aipatutako lege testuaren 24. artikuluan ezarritakoarekin bat etorriz.

5.7. Epaimahaia oinarri hauetara lotuta geratzen da, hautaketa-prozesuaren faseen balorazioari dagokionez.

5.8. Epaimahaia, bere jardunean, urriaren 1eko 40/2015 Legeak, sektore publikoaren araubide juridikoarenak, 15. artikuluan eta hurrengoetan ezarritako arauetara lotuko da. Edonola ere, hautaprobak hasi aurretik bilduko da, lehendakariaren aginduz idazkariak bilera deia eginda, eta, behar bezala eratzeko, lehendakaria eta idazkaria, edo horien ordezkioak, eta kideen erdiak bildu behar dira, gutxienez.

Erabakiak bertaratu direnen botoen gehiengoz hartuko dira. Berdinketak lehendakariaren kalitate botoaren bidez ebatziko dira.

Lehendakaririk eta bere ordezkorik ez badago, kanpoan edo gaixorik badago, edo legezko beste arrazoiren bat badago, maila, antzintasun eta adin handiena duen epaimahaikideak ordeztuko du, betiere ordena horretan.

Idazkaririk eta bere ordezkorik ez badago, kanpoan edo gaixorik badago, edo legezko beste arrazoiren bat badago, epaimahaia gehiengoz erabakitzen duen kideak ordeztuko du.

5.9. Epaimahaia autonomia funtzional osoz jardungo du, prozeduraren legezotasuna zaindiko du, eta haren objektibotasuna bermatuko du.

Epaimahaia dagozkion neurriak hartuko ditu oposizio aldiko ariketa idatzien edukiaren konfidentzialtasuna bermatzeko eta izangaien nortasuna jakin gabe zuzentzeko.

Zuzenketa mekanizatua ez duten ariketetan, Epaimahaia baztertu egingo ditu izangaiak, baldin eta ariketa idatzietan beren nortasuna jakiteko aukera ematen duen marka edo zeinurik badago.

Epaimahai Kalifikatzaileak gaitasuna edukiko du edozein probaren garapen normala eragozten duen edo berdintasun, merezimendu eta gaitasun printzipioen arabera kompetentzia desleiala eragiten duen edozein izangai baztertzeko. Epaimahaiko presidenteari berehala emango dio halako jardueren berri Administrazio Batzordeko presidenteari, eta ekitaldiaren aktan jasoko ditu gorabehera horiek.

Era berean, hautaprobetan ez da onartuko berdintasun, merezimendu eta gaitasun printzipioak urra ditzakeen gailu edo baliabide teknologikorik.

Izangaien batek arau horiek urratuz gero, berehala baztertuko da probatik zein hautaketa-prozesutik, eta, hortaz, baita osa litekeen lan-poltsatik ere.

5.10. Hautaketa-prozesuaren edozein unetan Epaimahaia jakiten badu izangaien batek ez dituela deialdiaren eskakizunak betetzen, izangai baztertzeko proposatuko dio Administrazio Batzordeko presidenteari, izangaiak egindako okerren nahiz faltsutasunen berri emanik, betiere alde aurretik interesdunari entzun ondoren.

5.11. Epaimahaia oinarri hauen aplikazioan sortzen diren zalantzak ebatziko ditu, eta behar diren erabakiak hartuko ditu deialdia era egokian gauzatzeko, oinarrietan aurreikusi gabeko kasuetan hartu beharreko irizpideak ezarrita.

5.12. Epaimahai Kalifikatzaileari egin beharreko erreklamazioak edo beste edozein komunikazio [tribunaldebomberos@araba.eus](mailto:tribunaldebomberos@araba.eus) helbide elektronikora bidaliko dira.

## 6. DEIALDIAK, JAKINARAZPENAK ETA INFORMAZIOA.

6.1. Hautaprobak ez dira hasiko deialdiaren oinarriak ALHAOn argitaratu eta bi hilabete baino lehen.

6.2. Oposizio aldiko lehen ariketaren eguna, lekua eta ordua onartu eta baztertuen behin-behineko zerrendak onartzen dituen ebazpenean adieraziko dira, zeina ALHAOn eta Polizia eta Larrialdietako Euskal Akademiaren [www.arkauteakademia.eus](http://www.arkauteakademia.eus) web orrian argitaratuko baita.

Hautaketa-prozesuaren ondoriozko gainerako komunikazio eta jakinarazpen guztiak Polizia eta Larrialdietako Euskal Akademiaren [www.arkauteakademia.eus](http://www.arkauteakademia.eus) web orrian argitaratuko dira.

Argitalpen guztietan adieraziko da horren data, eta hurrengo egunetik kontatuko dira da-gozkion erreklamazioak eta errekurtsioak ezartzeko epeak.

## 7. SARTZEKO SISTEMA ETA HAUTAKETA-PROZESUA.

Deialdi hau oposizio librekoa da, hautaketa-prozesua oposizio-lehiaketako sistemaren bidez egingo da, eta prestakuntza eta praktika aldi bat ere egongo da, nahitaezkoa eta baztertzaila, hautaketa-prozesuaren beste fase baten gisa.

## 8. OPOSIZIO FASEA.

Oposizio fasean ondorengo ariketa hauek egin beharko dira:

8.1. Lehen ariketa: bi proba izango dira, nahitaezkoak eta baztertzailak biak ere.

8.1.1. Proba orokorra: test moduko ariketa bat izango da. Galdera bakoitzean lau erantzun proposatuko dira, eta bakarra izango da erantzun zuzena. Galderak oinarri hauetako gai orokorrei buruzkoak izango dira (II. Eranskina). Erantzun oker bakoitzeko, galdera bakoitzari esleitutako puntuazioaren herena kenduko da. Erantzun gabeko galderengatik ez da punturik kenduko.

Ariketari 0-36 puntu emango zaizkio, eta ariketa gainditzeko 18 puntu lortu beharko dira gutxienez.

Hautaketa-prozesua taxuz egiteko, Epaimahaiak gaitasuna edukiko du proba gainditzeko behar den amaierako gutxieneko puntuazioa (18 puntu) lortzeko behar den gutxieneko zuzeneko puntuazioa zehazteko, izangaien nortasuna jakin baino lehen.

Izangaien zuzeneko puntuazioa lortzeko, honako formula hau aplikatuko da:  $P = O - G/3$ . Ondoren erantzundako galdera-kopuruari gaizki erantzundako galderen herena kenduko zaio.

Epaimahaiak amaierako gutxieneko puntuazioa (18 puntu) lortzeko behar den gutxieneko zuzeneko puntuazioa zehaztu ondoren, izangaiak lortutako zuzeneko puntuazioak amaierako puntuazio bihurtuko dira, banaketa proportzionalaren arabera; hala, amaierako 36 puntuko puntuazioa izango da gehienez lortu ahalko den zuzeneko puntuazioa.

Amaieran 18 puntu lortzen ez dituzten izangaiak baztertuta geratuko dira.

8.1.2. Proba espezifikoa: test moduko ariketa bat izango da. Galdera bakoitzean lau erantzun proposatuko dira, eta bakarra izango da erantzun zuzena. Ariketa bat izango da. Galdera bakoitzean lau erantzun proposatuko dira, eta bakarra izango da erantzun zuzena. Galderak oinarri hauetako gai espezifikoei buruzkoak izango dira (III. Eranskina). Erantzun oker bakoitzeko, 0,3 puntu kenduko dira. Erantzun gabeko galderengatik ez da punturik kenduko.

Ariketari 0-52 puntu emango zaizkio, eta ariketa gainditzeko 26 puntu lortu beharko dira gutxienez.

Hautaketa-prozesua taxuz egiteko, Epaimahaiak gaitasuna edukiko du proba gainditzeko behar den amaierako gutxieneko puntuazioa (26 puntu) lortzeko behar den gutxieneko zuzeneko puntuazioa zehazteko, izangaien nortasuna jakin baino lehen.

Izangaien zuzeneko puntuazioa lortzeko, honako formula hau aplikatuko da: ondo erantzundako galdera-kopuruari gaizki erantzundako galderen herena kenduko zaio ( $P = O - G/3$ ).

Epaimahaiak amaierako gutxieneko puntuazioa (26 puntu) lortzeko behar den gutxieneko zuzeneko puntuazioa zehaztu ondoren, izangaiek lortutako zuzeneko puntuazioak amaierako puntuazio bihurtuko dira, banaketa proportzionalaren arabera; hala, amaierako 52 puntuko puntuazioa izango da gehienez lortu ahalko den zuzeneko puntuazioa.

Amaieran 26 puntu lortzen ez dituzten izangaiek baztertuta geratuko dira.

8.1.3. Lehen ariketako bi probak egun berean izan ahalko dira, Epaimahai Kalifikatzaileak hala erabakiz gero, proba horietako bakoitzaren izaera baztertzailaren kaltetan gabe. Beraz, bi proba horietakoren bat ez gainditzeak izangaia hautaketa-prozesutik kanpo geratzea ekarriko du.

8.2. Bigarren ariketa: gaitasun fisikoa egiaztatzeko izango da, eta oinarri hauen IV. Eranskinan zehaztutako proba baztertzailak egin beharko dira.

Gaitasun fisikoa egiaztatzeko probetara aurkezte hutsagatik, izangaiek euren gain hartuko dute euren integritate fisikoaren gaineko erantzukizuna, euren erabaki pertsonalei dagokienez, eta Erakunde Autonomia eta Epaimahai Kalifikatzailea salbuetsita geratuko dira proba horietan eduki lezaketan edozein lesioren erantzukizunetik.

Epaimahai Kalifikatzaileak estimulatzaileen kontsumoa edo beste edozein dopaje mota atzemateko probak egin ahalko dizkie ausaz izangaiei, 2016ko abenduaren 30eko Ebazpenean (BOEren 6. zk., 2017ko urtarrilaren 7koa) jasotako Goi Mailako Kirol Batzordearen arauen arabera, eta emaitza positiboa ematen duten izangaiek hautaketa-prozesutik kanpo geratuko dira.

Bigarren ariketaren kalifikazioa "Gai" edo "Ez gai" izango da. Ariketa osatzen duten proba fisiko guztietan eta bakoitzean "gai" kalifikazioa lortzen ez duten izangaiek baztertuta geratuko dira.

8.3. Hirugarren ariketa: kamioi bat gidatu beharko da; Epaimahai Kalifikatzaileak proba baino hamabost egun lehenago argitaratuko du probaren edukia Polizia eta Larrialdietako Euskal Akademiaren [www.arkauteakademia.eus](http://www.arkauteakademia.eus) web orrian.

Ariketa hau borondatezkoa eta ez-baztertzaila izango da, eta gehienez ere 12 puntu lortu ahalko dira.

Ariketa hau egin nahi duten izangaiek hala jakinarazi beharko dute hautaketa-prozesuan parte hartzeko eskaeran, eta C+E gidabaimena eraman beharko dute probarako deia egiten zaienean.

8.4. Izangaiei deialdi bakarra egingo zaie ariketa bakoitzerako. Epaimahaiak nahitaezko proba eta ariketa baztertzailetarako eguna, ordua eta lekua adieraziz egindako deiarri kasu egiten ez dioten izangaiek automatikoki geratuko dira hautaketa-prozesutik kanpo, baita pisuzko arrazoiengatik aurkezten ez direnak ere.

Arau hori bera aplikatuko zaie edozein ariketa nahitaezko eta baztertzaila hasi ondoren sartzen diren izangaiei. Nahitaezko probek ariketa bat baino gehiago badute, horietako edozeinetara ez agertzea edo berandu agertzea nahikoa izango da ez dela agertu jotzeko.

Ez dela agertu joko da, baita ere, borondatezko probetara ez agertzea edo berandu agertzea.

8.5. Izangaien batek ezin baditu deialdiaren bigarren ariketan aurreikusitako gaitasun fisiko probak eta gidatze-proba egin, haurdunaldiaren arriskua edo haurraz erditu izana behar bezala egiaztatzen izanagatik, izangai horren egoera hautaketa-prozesuaren amaierara eta probak gainditzera baldintzatuta geratuko da, baina probak ezingo dira atzeratu gainerako izangaiek arrazoizko denbora batera egokitutako hautaketa-prozesuaren ebazpenerako dituzten eskubiak gutxiesten badira, Epaimahai Kalifikatzaileak baloratu beharko duelarik hori.

Horretarako, zerrenda hori argitaratu baino lehen, dei espezifikoak egingo zaie probak egiteko egoera horretan dauden izangaiei, eta horretarako aurreikusitako egunean ezin badituzte egin, kausa zeinahi dela ere, probetarako eskubide guztiak galduko dituzte. Gidatze-proba deialdi orokorrean egindakoaren desberdina izan ahalko da.

Epaimahai Kalifikatzaileak beharrezko neurriak hartu ahalko ditu idatzizko probak egin ahal izateko, haurdunaldi arriskutsu edo haurraz erditze kasuan, horiek behar bezala egiaztatuta, baldin eta proba horiek ezin badira egin deialdi orokorrerako aurreikusitako egun, leku eta orduan.

8.6. Izangaiek NAN, pasaportea, gidabaimena edo, atzerritarrak badira, horien pareko agiri-riren bat eraman beharko dute probetara, eta bere nortasuna arestian adierazitako moduan egiaztatzeko modurik ez duen izangaia probetatik kanpo geratuko da.

8.7. Ariketa baten behin betiko emaitzak argitaratzen direnetik hurrengo ariketara, 72 orduko tartea egongo da gutxienez, eta 45 egun naturalekoa, gehienez.

8.8. Aldi berean egin ezin daitezkeen ariketen jarduera-ordena Estatuko Administrazio Orokorean diharduten langileen sarbiderako, lanpostuen hornikuntzarako eta administrazio bereko funtzionario zibilen lanbide sustapenerako arautegi orokorra onartzen duen martxoaren 10eko 364/1995 Errege Dekretuaren 17. artikulua aipatutako zozketaren arabera ezarriko da.

Zozketa horretan ateratako letratik hasten den lehen abizena duen izangairik ez badago, hurrengoan arabera izango da jarduera-ordena.

8.9. Ariketa bakoitzaren behin-behineko emaitzak argitaratu ondoren, izangaiek 5 egun baldun izango dituzte izangaiek Epaimahai Kalifikatzaileari egoki jotzen dituzten erreklamazioak aurkezteko.

Erreklamazioak egiteko epea amaitu eta, halakorik badago, aurkeztu direnak ebatzi ostean, Epaimahaiak ariketa bakoitzaren behin betiko emaitzak argitaratzeko agindua emango du.

8.10. Oposizio aldiko nahitaezko azken ariketa baztertzailaren behin betiko emaitzak argitaratu ondoren, Lehiaketa Faseko merezimenduak egiaztatzeko epea ezarriko du Epaimahai Kalifikatzaileak, 10. oinarrian ezarri bezala.

## 9. EUSKARA.

9.1. Euskara jakitea merezimendu gisa balioetsiko da lehiaketa fasean, egiaztatutako hizkuntza eskakizunaren arabera.

Urriaren 16ko 222/2012 Dekretuan xedatutakoarekin bat etorritik, Erakunde Autonomoak argibideak eskatu ahal izango ditu hautaketa-prozesu honetan parte hartzen duten izangaiek euskararen jakite-maila egiaztatzeko lortutako egiaztagiriei buruz. Hautaketa-prozesu honetan parte hartzeak berekin dakar Erakunde Autonomoari baimena ematea datu horiek Euskara Tituluaren eta Ziurtagirien Erregistro Bateratuan (ETZEB) kontsultatzeko, baita aurkeztutako tituluak zein mailarekin parekatuta dauden ere.

9.2. Hautaketa-prozesuan parte hartzeko eskaera-orian merezimendu gisa baloratu beharreko hizkuntza eskakizunak (I. eta II. hizkuntza eskakizunak) egiaztatzeko probak egiteko nahia adierazi duten izangaiek eskaeran adierazitako hizkuntza eskakizunei dagozkien probak egin ahalko dituzte. Proba horiek borondatezkoak izango dira.

Epaimahai Kalifikatzaileak erabakiko du hizkuntza eskakizunak egiaztatzeko probak noiz egin, eta oposizio fasean egin ahalko dira.

Proba horiek egin aurretik eta izangaiek euren eskaeran emandako informazioaren arabera, izangaiek alegatutako tituluak zein hizkuntza eskakizunen parekoak diren jakinaraziko du Epaimahai Kalifikatzaileak. Izangaiek titulazio batean oinarrituta alegatutako hizkuntza eskakizuna Epaimahai Kalifikatzailearen arabera, edozein arrazoi dela-eta, ez bada eskatutakoaren parekoa edo homologagarria, alegatutako hizkuntza eskakizuna egiaztatzeko probak egin ahalko dituzte, nahiz eta eskaeran aukera hori adierazi ez izan.



Hizkuntza eskakizunak agiri hauen bidez egiaztatu ahal izango dira (azaroaren 9ko 297/2010 Dekretua, 2010eko azaroaren 15eko EHAA, 219. zenbakia):

2. hizkuntza eskakizunerako:

- Herri Arduralaritzaren Euskal Erakundearen ziurtagiria, 2. hizkuntza eskakizuna edo hortik gorakoa egiaztatu izanarena.

- Osakidetzaren ziurtagiria, 2. hizkuntza eskakizuna edo hortik gorakoa egiaztatu izanarena.

- 2. mailako edo hortik gorako ziurtagiria, HABErena.

- Ertzaintzako 1. HE.

- Irakaskuntzako 1. HE.

- Hezkuntzako Langileen Euskara Agiria (HLEA), Hezkuntza, Unibertsitate eta Ikerketa Sailarena.

- Hizkuntza eskola ofizialetako euskarako 4. maila (ikasketa plan zaharrean).

- Hizkuntza eskola ofizialetako maila aurreratua.

1. hizkuntza eskakizunerako:

- Herri Arduralaritzaren Euskal Erakundearen ziurtagiria, 1. hizkuntza eskakizuna edo hortik gorakoa egiaztatu izanarena.

- Osakidetzaren ziurtagiria, 1. hizkuntza eskakizuna edo hortik gorakoa egiaztatu izanarena.

- 1. mailako edo hortik gorako ziurtagiria, HABErena.

- Hizkuntza eskola ofizialetako euskarako 3. maila (ikasketa plan zaharrean).

- Hizkuntza eskola ofizialetako maila ertaina.

Aplikatzekoa izango da, orobat, apirilaren 3ko 47/2012 Dekretua, euskaraz egindako ikasketa ofizialak aintzat hartzearena eta hizkuntza tituluen eta ziurtagirien bidez euskara maila egiaztatzen salbuestearena.

Hizkuntza eskakizunak egiaztatzen proben behin-behineko emaitzak argitaratu eta hurrengo egunetik aurrera, izangaiek 5 egun baliodun izango dituzte euskara ariketaren gainean egoki jotzen dituzten erreklamazioak aurkezteko.

Erreklamazioak egiteko epea amaitu eta, halakorik badago, aurkeztu direnak ebatzi ostean, Epaimahaiak proben behin betiko emaitzak argitaratzeko agindua emango du.

9.3. Euskara maila merezimendu gisa balioetsiko da, gehienez ere 10 punturekin.

Puntuak egiaztatutako euskara mailaren arabera banatuko dira, ondorengo modu honetan:

– 1. hizkuntza eskakizunaren egiaztatzea: 5 puntu.

– 2. hizkuntza eskakizunaren egiaztatzea: 10 puntu.

9.4. Epaimahai Kalifikatzaileak Arkautiko Polizia eta Larrialdietako Euskal Akademiaren [www.arkauteakademia.eus](http://www.arkauteakademia.eus) web orrian argitaratuko ditu hizkuntza eskakizunak egiaztatzen proben emaitzak.

10. LEHIAKETA FASEA.

10.1. Lehiaketa fasea oposizio fasea gaingitu duten izangaiek hautaketa prozesuan parte hartzeko eskaeran alegatu eta egiaztatu dituzten merezimenduak aztertu eta balioztatzen izango da. Balorazioa egiteko, merezimendu bakoitzari dagozkion puntuak esleituko zaizkio, deialdian zehaztutako baremoaren arabera. Lehiaketa fasea ez da baztertzailerik izango, eta bertan eskuratutako puntuak ez dira aintzat hartuko oposizio faseko probak gaingitzeko.

Hala, oposizio faseko nahitaezko azken ariketaren behin betiko emaitzen argitalpenean, bost egun balioduneko epea ezarriko da hautaketa prozesuan parte hartzeko eskaeran alegatu eta egiaztatu dituzten merezimenduak egiaztatzeko.

Merezimenduak egiaztatzeko agiriak jatorrizkoak edo fotokopia konpultsatuak izango dira, eta fotokopia konpultsatuek informazio hau eduki beharko dute baliozkoak izateko: data, eta konpultsaren arduradunaren izen-abizenak, NANA eta sinadura irakurgarria.

Inolako kasutan ere ezingo dira balioztatu hautaketa prozesuan parte hartzeko eskaeran behar bezala alegatu ez diren eta ezarritako epean egiaztatu ez diren merezimenduak. Nolanahi ere, Epaimahai Kalifikatzaileak egoki deritzon dokumentazio gehigarria aurkezteko eskatu ahal izango die izangaiei, alegatutako eta egiaztatutako eskarmentua merezimenduen baremoaren eskakizunekin bat datorren zehazteko.

Erakunde Autonomoan egindako zerbitzuak hautaketa prozesuan parte hartzeko eskaeran alegatu beharko dira, baina interesdunek ez dituzte egiaztatu beharko. Ofizios konputatuko dira.

Gainerako herri administrazioetan egindako zerbitzuen denbora abenduaren 26ko 70/1978 Legearen I. eranskinen eremuan egiaztatuko da. Edozein kasutan, desglosatu egingo dira, aldi bakoitzari dagozkion eskala, azpieskala, taldea eta maila zehaztuz.

10.2. Herri administrazioetako esperientzia profesionala 35 punturekin baloratuko da gehienez ere, kontzeptu guztiengatik, ondorengo baremo honen arabera:

a) Toki, foru edo erkidegoko administrazioan, administrazio horietako edo horien mendeko erakundeetan, sektore publikoaren araubide juridikoaren urriaren 1eko 40/2015 Legearen 2.3 artikulua arabera herri administrazio direnetan, karrerako funtzionario zein bitarteko edo lan-kontratudun gisa, suhiltzaile edo kabo (edo pareko izeneko) talde, eskala, azpieskala, klase edo kategorian, Prebentzio, Su Itzaltze eta Salbamendu Zerbitzuetan egindako zerbitzuak, erakunde horiek halakotzat jo diren aldian.

Hilabete oso bakoitzeko 0,30 puntu eskuratuko dira, 35 puntu gehienez ere. Zerbitzuak alegatutako aldiaren egunak batuta konputatuko dira, eta batura egin ondoren, hilabetetik beherako frakzioak alde batera utziko dira. Horretarako, 30 egun naturalen batura hartuko da hilabete gisa.

Euskal Autonomia Erkidegoko foru eta toki administrazioan egindako zerbitzuak baliokide joko dira, uztailaren 30eko 208/1990 Dekretuak, euskal administrazio publikoetako kidego eta eskalen arteko baliokidetza finkatzen duenak, ezarritako moduan, eta otsailaren 25eko 1/2004 Legeak, Euskal Autonomia Erkidegoko Administrazio Orokorreko eta haren erakunde autonomoetako kidegoak eta eskalak antolatzeak, xedatutakoaren kalterik gabe.

b) Toki, foru edo erkidegoko administrazioan, administrazio horietako edo horien mendeko erakundeetan, sektore publikoaren araubide juridikoaren urriaren 1eko 40/2015 Legearen 2.3 artikulua arabera herri administrazio direnetan, karrerako funtzionario zein bitarteko edo lan-kontratudun gisa, basoetako suteak itzaltzeko langileen talde, eskala, azpieskala, klase edo kategorian, Prebentzio, Su Itzaltze eta Salbamendu Zerbitzuetan egindako zerbitzuak, erakunde horiek halakotzat jo diren aldian.

Hilabete oso bakoitzeko 0,10 puntu eskuratuko dira, 10 puntu gehienez ere. Zerbitzuak alegatutako aldiaren egunak batuta konputatuko dira, eta batura egin ondoren, hilabetetik beherako frakzioak alde batera utziko dira. Horretarako, 30 egun naturalen batura hartuko da hilabete gisa.

Euskal Autonomia Erkidegoko foru eta toki administrazioan egindako zerbitzuak baliokide joko dira, uztailaren 30eko 208/1990 Dekretuak, euskal administrazio publikoetako kidego eta eskalen arteko baliokidetza finkatzen duenak, ezarritako moduan, eta otsailaren 25eko 1/2004 Legeak, Euskal Autonomia Erkidegoko Administrazio Orokorreko eta haren erakunde autonomoetako kidegoak eta eskalak antolatzeak, xedatutakoaren kalterik gabe.

c) Toki, foru edo erkidegoko administrazioan, administrazio horietako edo horien mendeko erakundeetan, sektore publikoaren araubide juridikoaren urriaren 1eko 40/2015 Legearen 2.3 artikulua arabera herri administrazio diren eta, karrerako funtzionario zein bitarteko edo lan-kontratadun gisa, aireportuetako Prebentzio, Su Itzaltze eta Salbamendu Zerbitzuetan suhiltzaile postuetan egindako zerbitzuak, erakunde horiek halakotzat jo diren aldian.

Hilabete oso bakoitzeko 0,10 puntu eskuratuko dira, 10 puntu gehienez ere. Zerbitzuak alegatutako aldietako egunak batuta konputatuko dira, eta batura egin ondoren, hilabetetik beherako frakzioak alde batera utziko dira. Horretarako, 30 egun naturalen batura hartuko da hilabete gisa.

10.3. Alde batera utzita euskararen ezagutzen gainean 9. oinarrian ezarritakoa, gainerako merezimenduak soilik konputatuko dira eskaerak egiteko epeko azken egunari erreparatuta.

## 11. LANGILEAK HAUTATZEA.

11.1. Behin alegatutako merezimenduen balioespena eginda, Epaimahai Kalifikatzaileak Polizia eta Larrialdietako Euskal Akademiaren [www.arkauteakademia.eus](http://www.arkauteakademia.eus) web orrian argitaratuko du proba gainditu duten izangaien behin-behineko zerrenda, oposizio eta lehiaketa faseetan eta euskararen eskuratutako puntuen arabera ordenatuta.

Berdinketarik egonez gero, Euskal Funtzio Publikoaren uztailaren 6ko 6/1989 Legearen 27.2 artikulua eta Gizon eta Emakumeen Berdintasunerako otsailaren 18ko 4/2005 Legearen 20.4 a) artikulua bat etorritik, emakumeei emango zaie lehentasuna, subofizial kategorian Erakunde Autonomoaren plantillaren ehuneko 40ko ordezkari eduki arte; horretarako, eskainitako lanpostu hutsak zein karrerako funtzionarioek betetzen dituztenak hartuko dira aintzat.

Aurreko paragrafoan ezarritakoaren kalterik gabe, berdinketa hausteko lehentasun ordena hurrenez hurren irizpide hauei jarraituz ezarriko da:

- 1) Oposizio fasean puntuaziorik handiena lortu duenaren alde.
- 2) Oposizio faseko lehen ariketan puntuaziorik handiena lortu duenaren alde.
- 3) Oposizio faseko lehen ariketako bigarren proban puntuaziorik handiena lortu duenaren alde.
- 4) Administrazio publikoetan lan egindako denbora luzeena egiaztatu duenaren alde, baldin eta denbora hori lehiaketa aldian balioztatuta beharrezko merezimendua bada.

Hala eta guztiz ere berdinketarik badago, oraindik, Epaimahai Kalifikatzaileak berdintasun, merezimendu eta gaitasun printzipioen arabera irizpideak erabiliko ditu berdinketa hausteko.

11.2. Arestian aipatutako zerrenda argitaratu eta hurrengo egunetik aurrera, interesdunek 5 egun baliodun edukiko dituzte Epaimahai Kalifikatzaileari lehiaketa faseko eta euskarako puntuazioei eta berdinketa hausteko irizpideei dagokienez egoki jotzen dituzten erreklamazioak aurkezteko.

Erreklamazioak egiteko epea amaitu eta haiek ebatzi ostean, gainditu duten izangaien behin betiko zerrenda eskuratutako puntuazioaren arabera hurrenkeran, eta Administrazio Batzordeko presidenteari helaraziko dio.

Lehiaketa faseko eta euskarako puntuazioaren inguruan aurkeztutako erreklamazioak aztertzearen ondorioz berdinketarik gertatzen bada, eta lehen aipatutako irizpideak aplikatu behar badira berdinketa hori hausteko, eragindako pertsonen erreklamazioa aurkeztu ahal izango dute 5 egun balioduneko epean, berdinketa hausteko irizpideen aurka.

11.3. Epe hori igaro eta erreklamazioak ebatzi ostean, Administrazio Batzordeko presidenteari prestakuntza eta praktika aldirako hautatutako izangaien behin-behineko zerrenda argitaratuko du, izangaiena zein lanpostu hutsena, gehi ehuneko 16ko erreserba-kupoarena.

11.4. Hautatutako izangaien behin-behineko zerrenda horretako pertsonak 5 egun baliodu-neko epea edukiko dute hautaketa-prozesuan parte hartzeko exijitutako ondorengo ziurtagiri hauek aurkezteko:

- a) NANaren fotokopia konpultsatua.
- b) Deialdian parte hartzeko exijitutako tituluen eta gidabaimenaren fotokopia konpultsatua.
- c) Zinpeko aitorpena edo hitz ematea, adieraziz ezen ez dagoela ezgaitua eginkizun publikoetan jarduteko, ez dela baztertua izan edozein administrazio publikoren zerbitzutik diziplina espediente baten bidez, eta ez dagoela sartuta abenduaren 26ko 53/1984 Legeak, administrazio publikoaren zerbitzura dauden langileen bateraezintasunenak, jasotzen dituen eta ezgaitasuna edo bateraezintasuna dakarten egoeretako batean.

Izangai atzerritarrek Administrazioaren jakinarazpen bat jasoko dute, non zehaztuko baita, duten egoeraren arabera, zer agiri aurkeztu behar duten nahitaez.

Egiaztagiriak jatorrizkoak edo fotokopia konpultsatuek izango dira, eta fotokopia konpultsatuek, baliozkoak izateko, informazio hau eduki beharko dute: data, konpultsaren arduradunaren izen-abizenak, NANA eta sinadura irakurgarria.

Agiri horiek aurkeztu ezina behar bezala justifikatuz gero, izangaiak zuzenbidean onartzen den edozein frogabideren bitartez egiaztatu ahal izango du betetzen dituela eskatzen diren baldintzak.

Adierazitako epearen barruan, ezinbesteko kasuetan salbu, agiriak aurkezten ez dituztenak, edo haiek aztertzean agertzen bada ez dutela betetzen 2. oinarrian adierazitako betekizunen bat, hautaketa-prozesutik kanpo geratuko dira, eskabidean datu faltsuak emateagatik legokiekeen erantzukizunaren kalterik gabe.

11.5. Aldi berean eta web orri berean, behin-behinean hautatutako izangaiak suhiltzaile funtzioetarako egiaztatu beharreko gaitasun funtzionala egiaztatzeko egin beharreko proba fisiko-psikikoetarako eguna, lekua eta ordua adieraziko dira.

Probak Polizia eta Larrialdietako Euskal Akademiako Prebentzio eta Laneko Osasun Zerbitzuak egingo ditu, eta oinarri hauetako I. eranskineko betekizunak eta bazterketak egiaztatzeko behar beste proba kliniko edo analitiko osagarri egin ahalko dira.

Probak egin aurretik, egin beharreko proben berri emango zaie izangaiari, eta dagokion baimena sinatu beharko dute; datuak eta proben emaitzak isilpean gordetzea bermatuko da.

Probetarako baimena ez emateak hautaketa-prozesutik kanpo geratzea ekarriko du.

Suhiltzaile funtzioetarako "Ez gai" diren izangaiak hautaketa-prozesutik kanpo geratuko dira.

11.6. Adierazitako dokumentazioa aurkezteko epea amaitu eta gaitasun fisiko-psikikoa egiaztatzeko probak egin ondoren, Administrazio Batzordeko presidentek prestakuntza eta praktika aldi faserako hautatutako izangaien behin betiko zerrenda Polizia eta Larrialdietako Euskal Akademiaren [www.arkauteakademia.eus](http://www.arkauteakademia.eus) web orrian argitaratzeko aginduko du.

Zerrenda horretan, deialdiko lanpostu hutsak beste izangai bakarrik egongo dira. Behin betiko hautatutako izangaien nortasuna zehazteko, ondorengo irizpide hauek aplikatuko dira:

1. Onartutako izangaien behin betiko zerrendako puntuazioa.
2. Hautaketa prozesuan parte hartzeko eskaeran adierazitako lanpostu hutsen inguruko lehenespena.
3. Hizkuntz eskakizunaren egiaztatzea, derrigorrezko hizkuntz eskakizuna duten lanpostuetara hautatu bada.

11.7. Lanpostu hutsen bat ez bada betetzen aurreko paragrafoan adierazitako moduan, behin behinean hautatutako izangaien zerrenda gehigarri bat argitaratuko da, eta izangai horiek 11.4, 11.5, eta 11.6 oinarrietan aurreikusitako prozedura errepikatuko dute. Prozedura hori behar beste aldiz errepikatuko da, praktika eta prestakuntza aldirako lanpostu hutsak beste behin betiko izangai hautatu arte.

## 12. PRAKTIKA ETA PRESTAKUNTZA ALDIA.

12.1 Behin betiko hautatutako izangaiek sei hilabeteko praktika eta prestakuntza aldia egin beharko dute; nahitaezkoa eta baztertua izango da, aldi horretan suhiltzaile funtzioak betetzeko prestakuntza eta praktika lor ditzaten.

Horretarako, Administrazio Batzordeko presidenteak praktiketako funtzionario izendatuko ditu izangai horiek.

### 12.2. Prestakuntza aldia.

Izangaiek gehienez ere 4 hilabeteko prestakuntza ikastaro bat gainditu beharko dute Arkautiko Polizia eta Larrialdietako Euskal Akademian; ikastaro horren xedea izango da suhiltzaile lanbidearekin lotutako gai orokorrak eta bereziak ikasi eta horietan trebatzea.

Akademia horretan edo beste herri administrazioetako Sute Zerbitzuek eskaintutako suhiltzaile ikastaro espezifiko bat gainditu duten izangaiek aurreko paragrafoan aipatutako ikastaroa egitetik erabat edo partzialki salbuetsita geratu ahalko dira.

Horretarako, egindako ikastaroak, ikastaroen edukia eta horiek gainditu izana egiaztatu beharko dira ezartzen den epean. Aurkeztutako dokumentazioa aztertu ondoren, izangaia ikastarotik erabat edo partzialki salbuetsita dagoen zehaztuko du Arkautiko Polizia eta Larrialdietako Euskal Akademiak, eta partzialki salbuetsita badago, izangaiek prestakuntza osatzeko zer prestakuntza modulu egin behar dituen.

Prestakuntza aldia (berdin ikastaro osoa edo egiaztatu edo homologatu gabeko moduluak egin behar badira) baztertua izango da, eta modulu guztien eta bakoitzaren ebaluazioa gainditu beharko dira ikastaroaren amaieran. Prestakuntza aldia "Gai" edo "Ez gai" baloratuko da.

Prestakuntza aldia ez gainditzeak praktiketako funtzionario izateari uztea ekarriko du, eta izangaiek karrerako funtzionario izendatzeko eskubide guztiak galduko ditu.

Prestakuntza aldian, praktiketako funtzionarioek suhiltzaile-gidari lanpostuari dagozkion oinarrizko ordainsariak jasoko dituzte.

### 12.3. Praktika aldia.

Prestakuntza ikastaroa egitetik salbuetsita dauden izangaiek foru parkeetara bidaliko dituzte, zerbitzuaren beharren arabera, suhiltzaile-gidari lanpostuetarako praktika aldia egiteko, eta lanpostu horri dagozkion ordainsariak jasoko dituzte.

Prestakuntza aldia osorik edo partzialki egin behar duten izangaiek foru parkeetako suhiltzaile-gidari lanpostuetara bidaliko dituzte ikastaroa amaitutakoan, zerbitzuaren beharren arabera, suhiltzaile-gidari lanposturako "Gai" kalifikazioa lortuz gero, 6 hilabeteko aldia osatu arte praktika aldia egiteko.

Praktika aldia gainditzeko, beharrezkoa izango da aldi horretako presentzia-orduen erdiak, gutxienez, betetzea lanpostuan.

Ebaluazio Batzorde batek ebaluatu eta kalifikatuko du praktika aldia, eta Kalifikazio Epaimahaiarentzat ezarritako funtzionamendu-arau berberak edukiko ditu. Ondorengo hauek osatuko dute Ebaluazio Batzordea:

Presidentea: Erakunde Autonomoaren Su Itzaltze Zerbitzuko burua.

Bi kide:

- Erakunde Autonomoaren Giza Baliabide eta Administrazio Kudeaketa burua.
- Erakunde Autonomoko karrerako funtzionario bat, Erakunde Autonomoko subofizial kategoriakoa.

Ondorengo irizpide hauek erabiliko dira balorazioa egiteko:

a) Izangaiak agertutako hurrengo hauetarako gaitasuna:

- Lanerako gaitasuna eta errendimendua.
- Erantzukizun-sena eta eraginkortasuna.
- Ikasteko gogoia, jarrera edo ekimena.

b) Izangaiak agertutako hurrengo hauetarako ahalmena:

- Lanera egokitzeko eta lan-taldean integratzeko.
- Kanpo eta/edo barne harremanak egokitzeko.
- Arrisku, stress, ezusteko, anabasa eta abarretara egokitzeko.

Kontzeptu horiek guztiak baztertzailak izango dira, eta "Gai" edo "Ez gai" kalifikatuko dira.

Praktika aldian zehar eta hura amaitu baino lehen, Ebaluazio Batzordeak aldi horren gaineko behin-behineko ebaluazio bat egingo du, eta horren emaitza interesdunari jakinaraziko zaio, ezezkoa bada. Praktika aldia amaitutakoan, azken ebaluazioa egingo da.

Praktika aldia ez gairatzen, praktiketako funtzionario izateari utziko zaio eta izangaiak galdu egingo ditu karrerako funtzionario izendatua izateko eskubide guztiak, Administrazio Batzordeko presidentearen foru agindu arrazoitu baten bidez.

### 13. KARRERAKO FUNTZIONARIO IZENDATZEA ETA LANPOSTUAZ JABETZEA.

Ebaluazio Batzordeak prestakuntza eta praktika aldia gairatzen duten izangaien zerrenda helaraziko dio Administrazio Batzordeko presidenteari, karrerako funtzionario izendatzeko proposamen gisa, deialdi honetako lanpostuetara atxikita, 3.3 oinarrian egindako aukeraren arabera.

Izendapenak ALHAOn argitaratuko dira. Izendatuek hilabeteko epean hartu behar dute jabetza karrerako funtzionario gisa, izendapena egiten duen foru agindua ALHAOn argitaratzen den egunaren hurrengotik aurrera.

Ezarritako epean jabetza hartzen ez dutenek, eta ezinbesteko kasuetan salbu, galdu egingo dituzte Erakunde Autonomoko karrerako funtzionario izateko eskubideak.

Kasu horretan eta ez bada prestakuntza eta praktika aldia gairatzen, Administrazio Batzordeko presidenteari prestakuntza eta praktika aldirako behin-behinean hautatutako izangaien zerrenda gehigarri bat osatuko du, arestian aipatutakoagatik hutsik geratu diren lanpostuen besteko izangaiekin, eta oinarri hauetan aurreikusitako prozedura errepikatuko da.

Zerrenda gehigarri hori Polizia eta Larrialdietako Euskal Akademiaren [www.arkauteakademia.eus](http://www.arkauteakademia.eus) web orrian argitaratuko da, zerrenda horretako pertsonen eskaera-orrin adierazitako helbidean edo helbide elektronikoan jakinaraztearen katerik gabe.

### 14. ALDI BATERAKO LAN-POLTSAK.

Ariketak gairatzen dituzten izangaien behin betiko zerrendan egonagatik ere karrerako funtzionario izendapena lortu ez duten pertsonak lan-poltsa bat osatuko dute, zerrenda horretako ordenaren arabera, eta lan-poltsa hori suhiltzaile edo pareko kategoriako aldi baterako beharrei erantzuteko erabiliko da.

Lan-poltsa hori Erakunde Autonomoak horretarako ezarritako arauen arabera kudeatuko da, eta utziko ditu ordura arte erabilitako beste edozein lan-poltsa baliogabetuko du.

Aldi baterako behar horiei erantzuteko, deialdi honetan onartuak izateko eskaerak onartzeko epearen amaieran eskakizun guztiak betetzen dituztela egiaztatzen behar dute lan-poltsa osatzen duten pertsonen deia egiten zaienean, bai eta lanpostu bat aldi baterako betetzeko eskaintza egiten denean lanpostu horri dagokionez eska litekeen beste edozein ere.

Hala, Arkautiko Polizia eta Larrialdietako Euskal Akademiak eskaintako ikastaroarekin homologarria den suhiltzaile ikastaro espezifiko bat egin izana eta/edo eskatu ahalko die Erakunde Autonomoak lan-poltsako kideei, aldi baterako lanpostua betetzeko eskaintza egiten dienean, eta/edo onartzen den lan-poltsaren kudeaketa-arauetan aurreikusten den eskarmentu-eskaki-zunak betetzea.

Halaber, prestakuntza ikastaroa arestian aipatutako Akademian egiteko eskaintza ere egin ahalko du Erakunde Autonomoak, baina horrek ez du ordainsaririk ekarriko.

Azkenik, aldi baterako beharren arabera, oinarri hauetako I. eranskineko bazterketa-arrazoia baztertzeko osasun-azterketak egiteko eta/edo deialdi honetako oposizio faseko bigarren ariketan aurreikusitako pareko proba fisikoak egiteko deia egin ahalko zaie lan-poltsako pertsonai. Osasun-azterketak ez gainditzeak edo horiek egin nahi ez izateak behin betiko lan-poltsatik kanpo geratzea ekarriko du, eta proba fisikoak ez gainditzeak lan-poltsatik kanpo geratzea, horiek gainditzen ez diren bitartean.

#### 15. AZKEN ARAUAK.

Oinarri hauetan aurreikusi gabekoetan, hautaprobak lege-arau hauetan ezarritakoaren arabera egingo dira: — 5/2015 Legegintzako Errege Dekretua, urriaren 30ekoa, Enplegu Publikoaren Oinarriko Estatutuaren testu bateratua onartzen duena.

- 6/1989 Legea, uztailaren 6koa, Euskal Funtzio Publikoarena.
- 30/1984 Legea, abuztuaren 2koa, Funtzio Publikoa eraberritzeko neurriena.
- 4/2005 Legea, otsailaren 18koa, Emakume eta Gizonen berdintasunerakoa.
- 7/1985 Legea, apirilaren 2koa, Toki Araubidearen Oinarriak arautzen dituena.
- 39/2015 Legea, urriaren 1ekoa, Administrazio Publikoaren Administrazio Prozedura Erkidearena.
- 40/2015 Legea, urriaren 1ekoa, Sektore Publikoaren Araubide Juridikoarena.
- 15/1999 Lege Organikoa, abenduaren 13koa, Datu Pertsonalen Babesarena.
- Langileak Estatuaren Administrazio Orokorren zerbitzura sartzeko, Estatuaren Administrazio Orokorreko lanpostuak hornitzeko eta funtzionario zibilen sustapen profesionalerako Arautegi Orokorra, martxoaren 10eko 364/1995 Errege Dekretuaren bidez onartua.
- Toki araubidean indarrean dauden lege xedapenen testu bateratua, apirilaren 18ko 781/1986 Legegintzako Errege Dekretuaren bidez onartua.
- 86/1997 Dekretua, apirilaren 15ekoa, Euskal Autonomia Erkidegoko administrazio publikoetan euskararen erabilera normalizatzeko prozesua arautzen duena.
- 10/1998 Foru Araua, martxoaren 31koa, Arabako Foru Administrazioan eta Arabako Lurralde Historikoan euskararen erabilera normalizatzeari buruzkoa.
- 297/2010 Dekretua, azaroaren 9koa, euskararen ezagutza egiaztatzen duten titulu eta ziurtagirien baliokidetzak finkatu eta Hizkuntzen Europako Erreferentzia Marko Bateratuko mailletara egokitzen dituena.
- 47/2012 Dekretua, apirilaren 3koa, euskaraz egindako ikasketa ofizialak aintzat hartzearena eta hizkuntza tituluen eta ziurtagirien bidez euskara maila egiaztatzetik salbuestearena.

#### 16. DEIALDIAREN AURKA EGITEA.

Interesdunek deialdiaren, oinarrien, haien ondoriozko administrazio egintza guztien eta epaimahai kalifikatzailearen jardunaren aurka egin dezakete, urriaren 1eko 39/2015 Legeak, administrazio publikoaren administrazio prozedura erkidearenak, eta uztailaren 13ko 29/1988 Legeak, administrazioarekiko auzien jurisdikzioa arautzen duenak, jasotzen dituzten kasu eta eretan.

**I. ERANSKINA****MEDIKUNTZAKO BAZTERKETENTAULA**

Lehen zatia: antropometria.

1. Gorputz masaren indizeari (GMI) dagokionez, baztertu egingo dira 28tik gorako indizea badute eta koipetan %23 baino gehiagokoa badute gizonezkoen kasuan eta emakumezkoetan %31 baino gehiagokoa badute. Hori guztia inpedantzia bioelektrikoaren bitartez egingo da.

GMI formula honekin lortuko da:

Formula

$$GMI = \frac{\text{Pisua (Kg-tan)}}{\text{Garaiera 2 (metrotan)}}$$

Pisua barruko arropa jantzita neurtuko da.

Bigarren zatia: osasun azterketa.

A. Bazterketa orokorra.

1. Prebentzio eta Laneko Osasun Zerbitzuko medikuaren iritziz, suhiltzaile funtzioa betetzeko mugak jartzen dituzten gaixotasun, sindrome eta gorputz-akatsak izatea. Era berean, alterazio horiek baztertzeko arrazoitzat jo ahal izango dira hautaketa-prozesuaren edozein alditan agertzen direla ere.

2. Inguruabarreko baztertzetzat joko dira, azterketa egiterakoan bazterketa-taulan sartuta egon arren, bidezko tratamendu mediku-kirurgikoaren bidez zuzen daitezkeen gaixotasun eta lesio aktiboak. Kasu horietan, Prebentzio eta Laneko Osasun Zerbitzuko medikuak beste epe bat jarri ahal izango du, prestakuntza eta praktikak hasi aurretik, izangaiaren osasun-egoera egiaztatzeko. Hori egin ondoren, inguruabarreko baztertze-arrazoiak desagertu diren ziurtatuko du.

B. Ikusmena.

3. Zuzenketarik gabeko begi-zolitasuna: ez da ikusmen arruntaren 6/10 baino txikiagoa izango begi bakoitzean.

4. Ikusmen-eremuaren murrizketa aipagarriak.

5. Koloreak ikusteko alterazioa, Prebentzio eta Laneko Osasun Zerbitzuko medikuaren iritziz suhiltzaile funtzioa oztopatzen duena.

6. Bestelako oftalmologia prozesuak, Prebentzio eta Laneko Osasun Zerbitzuko medikuaren iritziz suhiltzaile funtzioa oztopatzen dutenak.

C. Entzumena.

7. Entzumen-zolitasuna (entzuteko protesirik gabekoa).

7.1. Estapedektomiagatikotoesklerosi-kirurgia osasun aurrekariak.

7.2. Patologia neurosensoriala, entzumen-zolitasun binauralaren galtzea gutxienez %20 bada, ondorengo formularen arabera ikusita.

Formula

$$\% \text{ galtze binaurala} = \frac{(5 \times \% \text{ galtzea belarririk onenean}) + \% \text{ galtzea belarririk okerreanean}}{6}$$



73. Edozein belarritan %20tik gorako entzumen-zolitasun monoauralaren galtzea, ondorengo formularen arabera ikusita.

Formula

$$\% \text{ galtze monoaurala} = \left( \frac{\bullet \text{ galtzeak dB en 500, 1000, 2000 eta 3000}}{4} - 25 \right) \times 1,5$$

74. Alde bat kaltetua; 500, 1000 eta 2000 Hz batez bestekoa belarririk onenean 25 dB baino gutxiago eta belarririk okerreanean 60 dB baino gehiago bada.

75. Alde bat kaltetua; elkarren ondoko bi frekuentzietan batez bestekoa 45 dB-ko elkarren arteko asimetria aurala.

8. Zorabio sindromea.

9. Bestelako otorrinolaringologia prozesuak, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten dutenak.

D. Nerbio-sistema.

10. Hitz-toteltasuna, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten duena.

11. Epilepsia zein gaixotasun horren aurrekariak. Fitxatu gabeko konbultsioak. Edozein etiologiako dardara.

12. Mugimendu-urritasuna.

13. Bestelako neurologia prozesuak, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten dutenak.

E. Buruko egoera.

14. Intoxikazio exogenoa adierazten duten sintomak zein zantzu kliniko biologikoak (gernuan legez kanpoko droga-metabolitoak antzematea). Tokikomaniak. Alkoholismoa.

15. Bestelako buru nahaste eta jokabide nahasteak, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten dutenak.

F. Lokomozio-aparatua.

16. Suhiltzaile funtzioetarako beharrezko edozein artikulazioren mugatze funtzionala.

17. Suhiltzaile funtzioak mugatzen dituzten bizkarrezurreko arazoak.

18. Aparatu lokomotorreko beste edozein prozesu, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten duena.

G. Sistema kardiozirkulatorio.

19. Gabezia kardiakoa. Gabezia kardiako bihur daitezkeen gaixotasun kardiakoak.

20. Arritmia kardiako larriak.

21. Sendagaien bidezko tratamendua eskatzen duen arterietako hipertentsioa.

22. Gorputz-adarretako zainen zirkulazioaren eta zirkulazio linfatikoaren arazo kronikoak, suhiltzaile funtzioa betetzea eragozten dutenak.

23. Aparatu kardiozirkulatorioko beste edozein arazo, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten duena.

#### H. Giltzurrunen sistema.

24. Giltzurrunetako gabezia. Giltzurrunen gabezia bihur daitezkeen giltzurrunetako gaixotasunak.

25. Beste giltzurrun-arazo batzuk, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten dutenak.

#### I. Arnas aparatua.

26. Arnas gaixotasunak, eragin iraunkorra edo aldi behingoa dutenak arnas funtzioan.

27. Bronkioetako asma, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten duena.

28. Bat-bateko pneumotoraxa (behin baino gehiagotan), ondoren zuzenketa kirurgikoa egin denean salbu.

29. Tuberkulosi aktiboa (tratamendua jasotzen egon arren).

30. Arnas aparatuko beste edozein prozesu, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten duena.

#### J. Digestio-aparatua.

31. Edozein bilakabide-sasoitako hepatopatiak.

32. Hesteetako handitze-gaixotasun kronikoak.

33. Erresekzioak digestio-hodiko edozein zatitan (apendizetomia salbu), suhiltzaile funtzioa betetzea eragozten dutenak.

34. Beste edozein digestio-patologia, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten duena.

#### K. Dermatologia.

35. Orban erretraktilak edo zereginak mugatzen dituen beste edozein lesio.

36. Beste edozein arazo dermatologiko, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten duena.

#### L. Hematologia.

37. Odoleko eta organo hematopoietikotako gaixotasunak, kronikoak edo progresiboak, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten dutenak.

#### M. Zenbait patologia.

38. Diabetes Mellitus.

39. Prozesu neoplasikoak.

40. Gaixotasun immunologiko eta erreumatologikoak.

41. Gaixotasun infekzio-kutsagarriak.

42. Beste edozein prozesu patologiko, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten duena.

**II. ERANSKINA****GAI OROKORRAK**

1. gaia. Espainiako Konstituzioa: Eskubideak eta Askatasunak (I. Titulua, II. Kapituluak, 14. art.), Oinarrizko eskubideak eta askatasun publikoak (I. Titulua, II. Kapituluak, 1. Atala, 15-29 art.), Foru Lurraldeen Eskubide Historikoak (Lehenengo xedapen gehigarria).

2. gaia. Euskal Herriko Autonomia Estatutua: Eusko Legebiltzarra, Eusko Jaurlaritza eta Lehendakaria (Euskal Herriko Autonomia Estatutuaren abenduaren 18ko 3/1979 Lege Organikoaren II. Titulua, I. eta II. kapituluak).

3. gaia. Estatuaren eta Euskadiren arteko Ekonomia Ituna: Lurralde Historikoetako Erakunde Eskumenak (Euskal Autonomia Erkidegoko Ekonomia Ituna onartzen duen maiatzaren 23ko 12/2002 Legearen Eranskinaren 1. art., apirilaren 21eko 7/2014 Legeak emandako idatzian).

4. gaia. 27/83 Legea, azaroaren 25ekoa, Autonomia Erkidego Osorako Erakunde eta bertako Lurralde Historikoetako Foru Erakunde arteko harremani buruzkoa: Autonomia Erkidego Osorako Erakunde eskumenak (6. artikulua). Lurralde Historikoen eskumenak (7, 8, 9 eta 10. art.).

5. gaia. 1983ko martxoaren 7ko Foru Araua, Arabako Lurralde Historikoaren Erakunde Antolaketa buruzkoa (Atariko Titulua, I, II, III, eta IV tituluak). 52/1992 Foru Araua, abenduaren 18koa, Arabako Foru Aldundiaren Antolaketa, Funtzionamendu eta Araubide Juridikoari buruzkoa (Atariko Titulua eta I. Titulua, II. Tituluko I. eta II. atalak, III. Tituluko I, IV eta V atalak).

6. gaia. Foru erakunde autonomoak: xedapen orokorrak eta foru erakunde autonomoak (15/1987 Foru Araua, urriaren 30ekoa, Ekonomia Jardueren eta Foru Zerbitzu Publiko Deszentralizatu Kudeaketari buruzkoa, I. eta II. tituluak). Arabako Foru Suhiltzaileak Erakunde Autonomoa (8/2016 Foru Araua, uztailaren 13koa, Arabako Foru Suhiltzaileak Erakunde Autonomoa eratzen duena).

7. gaia. Arabako Lurralde Historikoko Ikurrak: Bandera, armari heraldikoa, izen ofiziala. (61/1989 Foru Araua, azaroaren 20koa, Arabako Lurralde Historikoaren izen ofizialarena; 14/1993 Foru Araua, maiatzaren 5ekoa, Arabako Foru Aldundiaren banderari, armariari eta komunikazio logotipoari buruzkoa).

8. gaia. Udalerriak, 2/2016 Legea, apirilaren 7koa, Euskadiko Toki Erakundeei buruzkoa: Udalerria eta toki-autonomia (8. eta 9. art.). Eskumen propioak (17. art.).

9. gaia. Kuadrillak (63/1989 Foru Araua, azaroaren 20koa, Kuadrillei buruzkoa- I, II, III eta IV tituluak).

10. gaia. Kontzejuak (11/1995 Foru Araua, martxoaren 20koa, Arabako Lurralde Historikoko Kontzejuei buruzkoa, I, II, III tituluak)

11. gaia. 39/2015 Legea, urriaren 1ekoa, Administrazio Publikoen Administrazio Prozedura Erkidearena: Xedea eta aplikazio-eremu subjektiboa (1. eta 2. art.). Interesduna: jarduteko gaitasuna, kontzeptua eta ordezkartza (3., 4. eta 5. art.). Administrazio Publikoek agiriak ematea (26. art.). Epe-mugak eta epeak: epeen zenbaketa (30. art.).

12. gaia. 6/1989 Legea, uztailaren 6koa, Euskal Funtzio Publikoari buruzkoa: Xedea eta aplikazio eremua (1. eta 2. art.). Lanpostu-zerrendak (II. Titulua, I. Kapituluak). Aurrekontu plantillak (II. Titulua, II. Kapituluak). Lan Eskaintza Publikoa (II. Titulua, III. Kapituluak). Administrazio-karrera: Lanpostuak betetzea, barne-sustapena eta mugikortasuna (III. Titulua, IV. Kapituluak, Hirugarren, Laugarren eta Bosgarren atalak).

5/2015 Legegintzako Errege Dekretua, urriaren 30ekoa, Enplegatu Publikoaren Oinarrizko Estatutuaren Legearen Testu Bategina onesten duena: Administrazio egoerak (VI. Titulua).

13. gaia. Gizonen eta emakumeen arteko berdintasuna (4/2005 Legea, otsailaren 18koa, emakumeen eta gizonen arteko berdintasunerakoa: Atariko Titulua eta Lehenengo Titulua).

14. gaia. Suteen Prebentzio eta Itzalketa eta Salbamendu Zerbitzuak (Larrialdiak Kudeatzeko apirilaren 3ko 1/1996 Legearen IV. Kapitulua).

15. gaia. Euskadiko Herri Babeseko Plana (LABI): Kontzeptuen definizioa eta larrialdiaren faseak. Euskadiko Lurralde Zibilerako Lurralde Planaren aktibazioa (urtarrilaren 13ko 1/2015 Dekretuaren Eranskina: III. Kapitulua, 1. eta 2. atalak).

16. gaia. Arabako Lurralde Historikoko Larrialdietarako Foru Plana (ALHLP), Diputatuen Kontseiluaren maiatzaren 4ko 260/2010 Erabakiak onartutakoa -1 oharra-.

17. gaia. Larrialdiei aurre egiteko euskal sistemaren taktika operatiboak, Barne Kontseilariaren 2001eko abuztuko aginduz onartutakoak (EHAA, 178 zk., 2001eko irailaren 13koa): Taktika operatiboen zerrenda orokorra eta Taktika operatibo guztietarako xedapenak (Eusko Jaurlaritzaren Argitalpen Zerbitzu Zentrala; 2016ko argitalpena, zuzendu eta zabaldua; ISBN: 978-84-457-2736-2, 13., 14., 15. eta 16. or., eta 19., 20., 21., 22. eta 23. or.).

18. gaia. Esku-hartzearen lege-alderdiak: Erantzukizunak, betebeharrak eta eskubideak (Suhiltzaileen Eskuliburua, 5.3 liburukia -1 oharra-).

19. gaia. 400/2013 Dekretua, uztailaren 30ekoa, Euskadin artifizio piroteknikoak erabiltzen dituzten ikuskizunei buruzkoa (EHAA, 147 zk., 2013ko abuztuaren 2koa, 1., 2. eta 3. art.).

### III. ERANSKINA

#### BERARIAZKO GAIAK

##### A. Kartografia eta Arabaren inguruko ezagutza.

20. gaia. Oinarrizko kartografia eta orientazio kontzeptuak. Kartografia. UTM Proiekzioa. Eskala eta zeinu konbentzionalak. Maila-kurbak. Interpretazioa. Topografia Mapa Nazionala. Koordenada Sistemak: Geografikoak, UTM, Tokikoak. Nabigazioa. Posizionamendu Globaleko Sistemak (GPS). Katastro-erreferentzia (1 oharra).

21. gaia. Foru Izendegia: Kuadrillak, Udalerriak, Kontzejuak eta Herriguneak.

22. gaia. Arabako Geografia eta Geomorfologia: Orografia (mendiak, ibaiak eta urtegiak), bide-sarea (udalerriak, eskualdeak, industrialdeen kokapena, elementu historiko-artistikoak, natura-guneak, tokiko parkeak eta interes turistikoa duten lekuak, eta komunikazio-bideak eta horien sailkapena) eta Arabako udalerrien demografia.

##### B. Erreskatea eta suteak kontrolatzea eta itzaltzea

23. gaia. Erreskatea trafiko-istripuetan: Trafiko istripuetan norbera babesteko tresneria. Askatzeko tresna eta materialak (Suhiltzaileen Eskuliburua; 1.1 liburukia -1 oharra-).

24. gaia. Suteen kontrako printzipioak (Suhiltzaileen Eskuliburua; 2.1 liburukia -1 oharra-).

25. gaia. Basoetako suteak: Sutea landaretzan. Basoetako suteen dinamikan eta hedapenean laguntzen duten faktoreak (Suhiltzaileen Eskuliburua; 2.3 liburukia -1 oharra-).

26. gaia. Suteen prebentzioa (Suhiltzaileen Eskuliburua; 2.4 liburukia -1 oharra-).

27. gaia. Arrisku naturalak: Arrisku naturalen tipologia (Suhiltzaileen Eskuliburua; 3.1 liburukia -1 oharra-).

28. gaia. Arriskua, gai arriskutsuak tartean dauden istripuetan (Suhiltzaileen Eskuliburua; 3.2 liburukia -1 oharra-).

29. gaia. Banaketa-sareak eta instalazioak (Suhiltzaileen Eskuliburua; 3.3 liburukia -1 oharra-).

30. gaia. Eraikuntza-printzipioak eta egiturak egonkortzea (Suhiltzaileen Eskuliburua; 3.4 liburukia -1 oharra-).

31. gaia. Arnasbideak babesteko ekipoak (Suhiltzaileen Eskuliburua; 4.1 liburukia -1 oharra-).

32. gaia. Sua itzaltzeko baliabideak. Operazio eta instalazioak, hodi malguekin: lantzak, hodi malguak, errakoreak, su-itzalgailu eramangarriak (Suhiltzaileen Eskuliburua; 4.2 liburukia -1 oharra-).

33. gaia. Ponpak. Suhiltzaileentzako oinarrizko hidraulika (Suhiltzaileen Eskuliburua; 4.3 liburukia -1 oharra-).

34. gaia. Tresna eta ekipoen erabilera (Suhiltzaileen Eskuliburua; 4.5 liburukia -1 oharra-).

1 oharra. Dokumentu hau Enplegu Eskaintza Publikoaren atalean -foru suhiltzaileak- atalean dago ikusgai (<http://www.araba.eus>).

#### IV. ERANSKINA

##### PROBA FISIKOAK

###### 1. PROBA: COURSE NAVETTE

Deskribapena: Izangaia marra baten atzean jarriko da, eta soinu-seinalea entzutean hasiko da proba. Lasterka egin beharko du, beste aldeko marra (20 metrora) zapaldu arte, eta beste seinale bat entzun arte itxoin beharko du lasterketa jarraitzeko. Sekuentzia hori probak iraun bitartean errepikatuko da.

Lasterketaren erritmoa tarte erregularrez soinu egingo duen audio-gailu baten bitartez erregulatuko da.

Neurketa: Lehen abisu bat emango zaie izangai guztiei, baldin:

- Lehiakideren batek ez badu marra audio-gailuak seinalatutako unean zapaltzen.
- Soinu-seinaleak markatzen duen erritmoaren aurretik badoa.
- Marra zapaldu gabe aldatzen badu noranzkoa.
- Bira zirkularrak egiten baditu, marraren gainean pibotatu orde.

Adierazitako arrazoi horietako edozeinengatik bigarren abisu bat eman behar izanez gero, proba bukatutzat joko da.

Antolaketa arrazoiengatik edo arrazoi teknikoengatik ariketa bertan behera geratzen bada, gehienez ere 24 ordu atzeratuko da ariketa. Lan Eskaintza Publikoa -suhiltzaileak- atalean jaitsi ahalko da probaren audioa (<http://www.araba.eus>).

Proba gainditzeko, izangaiek 8,5 aldi egin beharko dituzte, ondorengo taularen arabera:

ALDIA	LUZEAK	LUZE METATUAK
0	0	0
0,5	4	4
1	3	7
1,5	4	11
2	4	15
2,5	4	19
3	4	23
3,5	4	27

ALDIA	LUZEAK	LUZE METATUAK
4	4	31
4,5	5	36
5	4	40
5,5	5	45
6	4	49
6,5	6	55
7	4	59
7,5	6	65
8	4	69
8,5	6	75

## 2. PROBA: IGERIKETA (100 metro)

Igerileku ertzean zutik jarrita, uretara jauzi egingo beharko du izangaiak seinalea entzutean, eta 100 m (25 metroko lau luze) egin beharko ditu igerian.

Igerilekuaren erdian bi metroko luzerako eremu bat mugatuko da kortxoekin, eta ur azpitik zeharkatu beharko da.

Proban zehar estiloa aldatzeko aukera egongo da. Irteera izan ezik, ezingo da oinekin igerilekuaren hondoa ukitu, ez eta hormari edo kortxoei heldu ere, atsedean hartzeko. Urpekaritza gunean, ezingo da ur-lamina gorputzaren edozein zatirekin hautsi.

Era berean, izangaiak aztertzaileak ikusteko moduan ukituko du horma bira ematerakoan, eta laugarren luzearen ondoren horma ukitutakoan amaituko da proba.

Irteera baliogabea bada, irteera baliogabea egin duena bakarrik geldiaraziko da. Serie guztiak amaitutakoan, azken serie bat egingo da irteera baliogabea egin duten izangaiekin. Bi irteera baliogabe egiten dituen izangaia kanpoan geratuko da.

Ez da onartuko urpekaritzako elementurik, igerilekurako betaurrekoak izan ezik; nahitaezkoa izango da txanoa erabiltzea.

Izangaiek 130,0 segundo baino gutxiagoan osatu behar dute ibilbidea proba gainditzeko.

## 3. PROBA: ZIRKUITUA

Proba hau hainbat estazio gainditzean datza, gainditzeko behar den guztizko denbora kontrolatuta. Izangaiak berriz hasi behar badu estazioen bat, denbora ez da etengo.

Maniobra-dorrea: "ekin" entzundakoan, izangaiak 6 kg inguruko bi pisu hartuko ditu, eta lasterketa bertikal osoan zehar azken solairuraino eramango ditu. Bi oinekin goiko kotara iritsitakoan, pisuekin kontaktua galdu gabe jaitsiko da. Jaisten amaitutakoan, hasieran hartutako tokian eta posizioan utziko ditu pisuak.

Karela: eraikinetik irten ondoren, trantsizio-tartea bat osatuko du izangaiak, karel izeneko oztoporaino; karela 2,03 m-ko alturako horma baten simulazioa da. Izangaiak goiko ertza gainditu behar du, mugatutako eremuaren gainetik.

Oreka: aurreko estazioa gaindituta, izangaiak trantsizio-tartea osatuko du izangaiak, 10 cm inguruko zabalerako oreka-barra bateraino; bertan, oinez osatu beharko du 4,30 m-ko goranzko distantzia, lurretik bi muturretako altura-desberdintasunaren arabera, 1,2 metro eta 1,45 metrokoa, hurrenez hurren. Berrogeita hamar (50) cm-ko zabalerako atal inklinatu bat egongo da, barara igotzeko. Ibilbidea amaitutakoan, hasieraren kontrako muturrean dagoen koltxonetara jaitsiko da. Izangaia barratik erortzen bada, helmuga ez den lekuren batean jaisten bada edo eskuekin laguntzen bada barraren lekuan, berriz hasi beharko du estazioa.

Leku txikiak: argirik gabeko hodi estua izeneko estaziora joango da izangaia; 0,50 m inguruko sekzio zirkular bat edukiko du, eta bertan sartu eta 12 metro inguruko luzera osatu beharko du, barrutik, herrestatuz. Izangaiak bertatik irteteko laguntza eskatzen badu, kanporatuta geratuko da eta ezingo du zirkuituaren gainerako zatia egin.

Hondakin-kentzea eta material-jartzea: izangaiak hondakin-kentzea izeneko bi elementuko hurrengo estaziora arteko trantsizio-distantzia osatuko du. Lehenengo elementua 2 m-ko luzerako, 0,50 m-ko zabalera eta 0,30 m-ko altuerako kaxoi bat da, gutxi gorabehera, eta 6 objektu ditu gainean, 15 k ingurukoak. Bigarren elementua 1,6 m inguruko altuerako eta 2 m inguruko zabalera apal bat da.

Izangaiak banan-banan jasoko ditu objektuak, eta 1etik 6ra arteko ordenari jarraituta, zenbakiaren arabera dagokion tartean utzi, apalean.

Objektu guztiak apaletan jartzen amaitutakoan, kontrakoa egingo du: objektuak berriz ere kaxoian utzi, ordena berari jarraitu (1etik 6ra); orduan amaituko da estazioa.

Objekturen bat erortzen bada, edo adierazitako lekutik kanpo edo adierazitakoa ez den ordenan jartzen badira, kanporatuta geratuko da.

Biktimen erreskatea: izangaiak hurrengo estaziora arteko trantsizio-tartea osatuko du eta, bertan, 75 k eta 1,70 m-ko altuerako maniki bat 20 metro inguru arrastatu beharko du, 10 metroko bi zatitan, ondorengo exekuzio-sekuentziaren arabera.

Manikia lurrean egongo da, inguru mugatu batean ahoz gora etzanda. Izangaiak manikia hartuko du eta altxatu egingo du, manikiaren bizkarra bularraldearen kontra jarrita eta galtzarbeetatik helduta, besoak libre utzita. Lurra ukitu gabe garraiatu beharko du, edo manikiaren orpoetan soilik apoiatuta, eta bizkarrez egingo du aurrera, martxaren noranzkoan, 10 m ingurura jarritako seinaleztatze kono bateraino; konoari bira emango dio, noranzkoa aldatuz, eta manikia hartu duen leku mugatura itzuliko da, manikia bertan hasieran bezala ahoz gora eta irteteko noranzkoan uzteko; orduan amaituko da estazioa.

Izangaia kanporatuta geratuko da manikia ez badu adierazi bezala arrastatzen, erori egiten bazaio, eremu mugatutik erabat edo partzialki kanpo, edo aurreko paragrafoan adierazitakoa ez den posizioan uzten badu.

Zirkuitu osoa ezarritako denboran osatzen ez duten izangaiak "Ez gai" emaitza izango dute, eta eremutik irten beharko dute berehala.

Epaimehai Kalifikatzaileak zirkuitua osatzeko gehieneko denbora ezarriko du, eta proba baino hamabost egun lehenago, gutxienez, argitaratuko du Polizia eta Larrialdietako Euskal Akademiaren [www.arkauteakademia.eus](http://www.arkauteakademia.eus) web orrian.

#### 4. PROBA: BERTIGOA

Helburua da izangaiengan alturako lanetarako jokabide arraroak antzematea. Saialdi bakarra egingo da.

Izangaia suhiltzaileen ibilgailuko eskaileratik igoko da, bi oinekin otarraren oinarria zapaldu arte; ondoren, jaisten hasiko da.

Proba izangaia hasiera gisa markatutako lekuan, ibilgailuaren eskaileraren ondoan, zutik dagoela hasiko da, eta hasierako leku horretan bertan zutik geratzen denean amaituko.

Otarra 20 metroko altueran egongo da, gutxi gorabehera, eta eskailerak 70° inguruko inklinazioa edukiko du.

Gehienez ere 5 minutu edukiko dira proba osatzeko.

Izangaia behar bezala aseguratuko da proba hasi aurretik.

Bertigo probarako saialdi bakarra egongo da, eta adierazitako gehieneko denboran osatzen ez dutenek "Ez gai" kalifikazioa edukiko dute.